



第一二五六册

四庫全書

●上海古籍出版社

本冊目次

鬱 震 歸
洲 澤 田
遺 稿 集 稿

明 謝 遷 撰……………一
明 王 鏊 撰……………一一九
明 梁 儲 撰……………五二九

欽定四庫全書

集部
歸田稿卷二

欽定四庫全書

集部六

歸田稿

別集類五 明

提要

臣等謹案歸田稿八卷明謝遷撰遷字子喬

餘姚人成化乙未賜進士第一授修撰歷官

戶部尚書謹身殿大學士贈太傅謚文正事

蹟具明史本傳遷之在內閣也與劉健李東

陽同心輔政史稱其秉節直諒見事明敏天

欽定四庫全書

歸田稿
卷二

下稱為賢相庶乎能以道事君者其文集全

稿以嘉靖中倭亂被燬此乃其致仕以後及

再召時所作自題曰歸田稿以授其子至者

國朝康熙中其七世孫大名府同知鍾和復加

釐輯梓而傳之集中奏疏類多晚年陳謝之

作而在朝時嘉謨讜論均已亡佚無存即以

史所稱請罷選妃嬪禁約內官諸疏卓卓最

著者而亦不在其間則其散失者當復不少

詳校官中書臣瞿 照

中書臣劉源溥覆勘

總校官進士臣 繆 琪

校對官檢討臣 李 學 錦

臚錄監生臣 林 紹 龍

然遽當歸里以後正劉瑾焦芳等挾怨修郤

日在危疑震撼之中而所作詩文大抵詞旨

和平惟惓惓焉托江湖魏闕之思以冀其君

之一悟老臣憂國之心實有流溢於不自覺

者讀者知其忠悃所存固毋庸以文字之工

拙論矣乾隆四十四年七月恭校上

總纂官

臣紀昀

陸錫熊孫士毅

總校官

臣陸

費墀

欽定四庫全書

歸田稿

二

欽定四庫全書

歸田稿卷一

明謝遷撰

奏疏類

謝存問疏

致仕少傅兼太子太傅禮部尚書武英殿大學士臣謝

遷謹奏為謝恩事臣遷伏蒙聖恩賜勅遣官存問且加

賜羊酒與隸官廩臣遷誠惶誠恐稽首頓首拜受竊念

欽定四庫全書

歸田稿

一

臣本菲才誤蒙孝宗敬皇帝知遇之隆顧託之重欲圖

報稱勉竭駑庸不自知其力之不足既而格心無術輔

導罔効引身退避杜門省愆俯仰懷慚罪責難追分與

草木同腐幸而溝壑未填茲者伏遇皇帝陛下天啓聖

明嗣承大統一新萬化雷動風行凡在疲困之徒咸遂

更生之願如臣衰朽特軫聖慈不加負國之誅重錫優

老之典寵命下及慚懼交并顧茲垂暮之年諒無圖報

之日惟有一言獻納庶幾少効涓埃臣聞傳說之告高

宗曰學于古訓乃有獲又曰監于先王成憲其永無愆此誠告君之至言為君之要道也自今觀之所謂古訓者二帝三王之典謨訓誥及諸經史之所載者是已成憲者聖祖神宗之典章法度凡今諸司所職者是已仰惟陛下聖性之膺哲固出于生知而聖德之成就必資乎問學經筵儒臣分直進講所以薰陶涵養者在是燕閒之時尤博覽羣籍以廣見聞苟有疑義難明即召勸講之臣面賜質問務求通解戒一暴十寒之失積日就月將之功則聖學緝熙而聖德之成可以追蹤古昔帝王之盛近代不足言矣我朝祖宗之法斟酌古今之宜諸司而能恪守萬世可以常行奈何世遠人亡政久弊積漸失其初者有矣聽覽之際謂宜申飭百司講求成憲苟有窒礙難行即名執政之臣面加商確務合舊制究詰舛訛之端振革廢弛之弊則聖政有恒而聖治之成可以紹休聖祖神宗之盛垂裕于無疆矣夫一日萬幾固未易縷陳而一心萬化惟在于知要臣故特舉君

道之至要以裨聰明之萬一其他軍民利病政治缺失陛下明詔許諸人直言無隱況以言為職者林立于廷必能為陛下次第陳之惟望留神省覽不以疎淺而或遺不以拂逆而見拒則宗社幸甚生靈幸甚臣受恩深重不勝瞻仰懇切之至為此具本專令長男謝正齋赴京謹具奏聞伏候勅旨

謝時加存問疏

致仕少傅兼太子太傅禮部尚書武英殿大學士臣謝遷謹奏為謝恩事臣先蒙聖恩賜勅遣官存問具本令長男正齋赴京謝恩荷蒙聖慈溫旨慰諭褒獎過情且錄蔭臣男正為中書舍人隨該正以母徐氏病故在家具本乞恩終制復蒙聖恩欽賜臣妻徐氏蔭祭并蠶糧麻布之賻近又該都御史何天衢奏為優老乞言以裨聖政事濫及臣名節該欽奉聖旨還著有司時加存問陛下卹臣之私既及臣子又及臣妻而于臣之微軀尤荷軫念猥厯告存仰惟天地涵育之仁不遺衰朽顧

臣桑榆垂迫之景莫報恩私惟遙瞻闕廷勉効蒿祝而
已為此具本令男巨齋抱赴京謝恩臣不勝懇悃之至
謹具奏聞伏候勅旨

辭免恩命疏

致仕少傅兼太子太傅禮部尚書武英殿大學士臣謝
遷謹奏為衰病陳情辭免重命事臣某伏蒙聖明因大
學士楊一清等論薦特遣行人齋勅召臣又命鎮守巡
按等官來即臣家敦趣起程臣聞命驚惶罔知攸措竊

欽定四庫全書

卷四

四

臣本以駑劣之資昔叨重任孝宗敬皇帝顧託之命
死有餘責皇上嗣承大統之初不即誅戮曲加恩禮存
問優恤有隆無替臣銘心刻骨圖報無由茲又渙頒寵
命貴及丘園起臣于衰廢之餘欲還臣于密勿之地且
許以優逸預斷辭章異數殊恩自昔罕比臣非木石寧
不感激思奮余臣犬馬之年垂及八旬疾病侵尋衰憊
已甚耳目之視聽不真手足之動履欠便加以痰嗽眩
暈不時交作摧殘無用之狀實有難盡言者雖欲勉強

就道誠恐委頓不前反累陛下優老之仁莫副陛下虛

席之意且以一清等之所推薦勅旨之所期待臣自揣

淺薄雖在強壯之時亦非敢當況今衰殘如是之甚乎

臣是以趑趄縮息寢食靡寧漸汗憂惶措身無地遙瞻

天闕徒切馳戀而已恭惟皇上英明天縱聖德日新寤

寐求才宵旰圖治此誠雲龍風虎之會而臣以桑榆景

迫犬馬力疲不能就攀鱗附翼之列咎嗟感泣不能自

已伏望聖明諒臣愚衰憫臣朽腐容臣辭免恩命俾得

欽定四庫全書

卷四

五

保終于丘壑不致隕越于道路則始終成全之恩真同
天地矣臣不勝懇切仰望之至為此具本令男某齋抱
赴京謹具奏聞伏候勅旨

乞恩仍賜歸休疏

致仕少傅兼太子太傅禮部尚書武英殿大學士臣謝
遷謹奏為懇辭重命事臣昔濫叨任使奉職無狀引疾
乞休跼伏海濱二十有餘年矣誤蒙聖明軫念召命下
臨臣自知衰病不堪已嘗具本辭免伏蒙溫旨慰諭且

命有司敦趣臣感荷殊寵莫報涓埃只得力疾奔馳不遑他恤幸獲進趨闕下仰瞻天顏慶忭之私無可云喻退自省念慚懼交并恭惟皇帝陛下聖明天啓政化日新方將展古昔帝王之大猷廣祖宗列聖之丕緒惟茲密勿之寄必需卓越之才如臣庸劣衰頹豈宜謬玷行列此臣審知愚分實非崇飾虛詞伏望聖慈俯垂察矜仍賜歸休庶不貽覆餗之譏以負虛席之意臣不勝懇悃之至謹具奏聞伏候勅旨

欽定四庫全書

歸田錄

六

辭免新職疏

致仕少傅兼太子太傅禮部尚書武英殿大學士臣謝遷謹奏為辭免新命事臣以庸劣衰殘勉趨名命自懼不堪重任懇乞賜歸伏蒙皇上不輕棄遺益隆恩寵既奉溫旨慰諭又蒙特勅吏部陞臣戶部尚書謹身殿大學士臣聞命戰兢措身無地竊念臣自退休田里優游散逸二十餘年今方進趨闕廷未及勉効分寸而遽叨殊錫雖欲強顏承受寧不內懷慚悚臣感荷聖恩思圖

報塞萬一再不敢固求賜歸但乞容臣辭免新陞職銜仍以舊銜供職庶幾心安理得可以圖効涓埃臣不勝懇悃之至謹具奏聞伏候勅旨

陳政事疏

少傅兼太子太傅戶部尚書謹身殿大學士臣謝遷謹題為獻納事臣以庸劣衰朽不能仰稱任使累疏乞休未蒙俞允竊自思念無可以報厚恩敢陳一得之愚冀効涓埃之益恭惟皇上赫然勵精銳意更化深懲寬慢之弊痛革黨比之私此誠大有為之資不世出之主臣

欽定四庫全書

歸田錄

七

愚何幸躬逢其盛然臣嘗聞之君道固貴乎剛居上以寬為本求治不可太急更張亦須有漸若驟加嚴迫恐惶駭失措者多矣且為政惟在得人才亦甚難得若棄短取長則人皆可用小過不宥則下無全人況更易頻數則人無固志苟圖免責事亦難就緒矣臣願陛下大擴天地之量少霽雷霆之威明察之餘濟以寬簡剛斷之際加以含引廣招賢之門開自新之路使有過者

可以改悔不及者可以勉力至于用舍之際務合衆論之公如此則人不乏用事功可成矣陛下以納誨輔德待臣臣願陛下成雍熙太和之治故不敢不盡其愚伏望聖明俯賜採納豈惟愚臣之幸實宗社生靈之幸也謹具題以聞

求納諫疏

少傅兼太子太傅戶部尚書謹身殿大學士臣謝遷謹題為獻納事臣退休衰耄分與草木同腐荷蒙聖明篤念舊臣特勅召用不容辭避且待臣以納誨輔德之任

欽定四庫全書

歸田稿

夫朝夕納誨以輔台德此商高宗之所以待傳說者也顧臣庸陋何敢妄希古人然思無以仰答陛下之殊遇因敢竊取古人之緒餘以獻傳說之告高宗曰木從繩則正后從諫則聖后克聖臣不命其承疇敢不祗若王之休命蓋謂君德莫先于納諫君能納諫則臣下不待命令而信從矣天啓聖明嗣承大統從諫如流天下稱聖既而進言者執見或謬拂逆過甚致有齟齬間隔而

近來諫諍之言日益稀矣此固臣下不能將順聖德之過也臣又嘗聞伊尹之告太甲曰有言逆于汝心必求諸道有言遜于汝志必求諸非道蓋謂鯁直之言人所難受吳順之言人所易從難受者未必皆非故必求諸非道不可遽以逆于心而拒之易從者未必皆是故必求臣愚伏願陛下兼聽廣納于諸逆耳之言曲賜優容以作忠直之氣于諸遜志之言詳加審察以遏諛佞之風則聖德日新聖治日隆矣此輔德第一義也故敢冒昧陳之伏惟聖明留意緣獻納事理謹具題以聞

欽定四庫全書

歸田稿

乞賜歸休疏

少傅兼太子太傅戶部尚書謹身殿大學士臣謝遷謹奏為衰老陳情乞賜歸休事臣犬馬之齒今年已八十矣去歲誤蒙聖恩特勅召用不容辭避臣勉強奔趨忘其力之不足既獲瞻親天顏恭謝恩命自惟衰殘昏耄無以仰副驅策即欲懇乞歸休伏蒙皇上不棄駕朽進

臣戶部尚書謹身殿大學士職銜照舊內閣辦事旋復
憫臣拜起艱難免臣常參異寵殊恩益深感激龜勉從
事又自入朝以來仰見皇上聖德天縱而日新聖學輝
熙而罔間銳意更化夙夜勵精此誠千載之奇逢也臣
雖無似亦欲思依日月之光以觀雍熙之治奈病隨年
至力與年衰視聽不真動履欠便又况眩暈時作神思
不清今就列備員已更時月而納誨輔德莫效涓埃雖
皇上不咎素餐臣心能不自愧乎伏望聖慈曲賜矜憫
欽定四庫全書

再乞歸休疏

少傅兼太子太傅戶部尚書謹身殿大學士臣謝遷謹
奏為衰病懇乞歸休事臣以年衰力憊不能仰稱任使
具本乞休伏蒙聖旨朕圖任老成贊弘化理卿先朝耆
舊德器才識公論素孚召用未久方切倚毗况精力未

衰豈可遽求休致宜即出供職盡心輔導以副朕懷所
辭不允吏部知道欽此臣仰承恩命益深慚懼竊念臣
迂愚無似休退有年自分與草木同腐而已猥蒙皇上
不輕棄遺起臣于衰廢之餘還臣于密勿之地實出望
外臣當鞠躬盡瘁圖報恩私使臣能効涓埃之益則雖
捐軀殞首臣亦何敢自愛奈臣衰頹已甚槁木不殊而
謬玷崇班虛糜厚祿此臣所以朝暮懷慚不能自己者
也仰惟皇上英明天縱赫然勵精寤寐求賢共圖化理
今調燮重任已甚得人而臣以朽腐無用之資濫廁其
列誠不足為有無若復苟且淹延不求退避則尸位素
餐之誚必不能免而妨賢病國之罪亦將何所逃乎伏
望聖慈俯察愚衷蚤賜俞允使臣得生還故里則未盡
之年皆陛下之賜也臣冒瀆宸聰無任戰慄之至謹具
奏聞伏候勅旨

謝恩疏

少傅兼太子太傅戶部尚書謹身殿大學士臣謝遷謹

欽定四庫全書

聖訓

三

奏為謝恩事臣昨以衰病乞休荷蒙溫旨慰諭未即賜
允情不獲已再疏懇乞復蒙聖旨卿兩疏乞休情詞懇
切朕所深諒但朝廷任賢求舊卿碩德舊臣方切倚任
豈可固求休退宜即供職不先所辭欽此即又重荷聖
慈軫念命太醫院官診視用藥又命內臣頒賜酒肉米
蔬等物又命鴻臚寺官來家宣諭殊恩異數倍萬常倫
臣感極而泣不能自已即欲詣闕稱謝勉強供職以圖
報涓埃奈臣痰火眩暈之疾舉發無時恐或顛仆階墀
貽笑班列是以趑趄縮瑟尚在調理謹先具本謝恩竊
念臣年既耄身已衰甚病非外感藥物難療每自忖度
朝不保暮恐終無以報塞厚恩伏望聖慈曲垂矜憫蚤
賜允俞俾得生還故里則始終成全之恩沒齒豈敢忘
哉臣無任懇悃之至謹具奏聞伏候勅旨

三乞歸休疏

少傅兼太子太傅戶部尚書謹身殿大學士臣謝遷謹
奏為懇切陳情乞賜歸休事臣以衰病昏耄不能仰稱

欽定四庫全書

聖訓

三

任使累疏乞休荷蒙溫旨慰諭未即賜允即又重荷聖
慈命太醫院官診視用藥又命內臣頒賜酒肉米蔬等
物又命鴻臚寺官來家宣諭皇上篤念舊臣不忍輕棄
恩禮優渥有加無已而臣不能圖報萬一是以面熱內
慚寢食俱廢惟乞身引退庶可少贖負恩之罪隨即具
本陳謝復申前懇乃又節蒙聖旨如病痊可宜照前旨
即出供職以副朕名用倚毗至意不必固辭欽此臣聞
命戰兢益切慚懼已於今月十六日力疾入朝陛謝思
欲勉強供職圖効涓埃奈痰嗽眩暈之疾忽復交作動
虞顛仆不能支持臣年既衰邁病復纏綿雖欲苟延不
過虛糜廩祿而曠職怠事之咎抑將何所逃乎臣是以
不避煩瀆冒昧懇陳伏望聖慈曲垂矜憫蚤賜允俞俾
臣得遂生還之願則始終成全之恩真與天地同其大
矣臣不勝懇悃之至謹具奏聞伏候勅旨

四乞歸休疏

少傅兼太子太傅戶部尚書謹身殿大學士臣謝遷謹

奏為懇陳懇憫乞賜殘骸事臣以老病乞休再四陳懇伏蒙聖旨朕以卿先朝耆舊況輔臣所薦特虛席以待其所倚毗非輕望以匡弼朕躬贊襄化理卿屢屢為辭固欲求去大臣事君當以竭誠盡心為忠舍邪從正為本庶可引君當道為善治以福斯民卿宿儒博學理慾公私豈不曉然可勿以去為辭即出辦事副朕求舊召用之意欽此臣聞命驚惶不勝感泣皇上所以俯念老臣者禮遇優崇懇諭諄切天高地厚之恩有隆無替顧

欽定四庫全書

聖訓
卷一百一十五

十四

臣何人可以當此臣遵奉聖諭敢不痛自修省仰承德意即欲勉強供職圖効涓埃奈臣犬馬之年已及八十元氣虛耗疾病交侵手顫足痿目昏耳聾疲鬱氣逆胸膈痞懣而眩暈顛仆時切懷憂朝夕不能自保恐難久于人世此臣之所自知而急欲求去者也若年力尚可支持而崇飾虛詞苛求安便則臣之罪無所逃矣恭惟皇上好生之德真同天地優老之仁遠邁帝王臣是以敢冒昧陳懇煩費宸聰伏望聖慈曲垂矜憫蚤賜允俞

俾臣垂盡之齡得全歸于首丘而未朽之骸不墮越于道路則臣雖不能圖報于生前亦當感恩于地下矣臣不勝激切仰望之至謹具奏聞伏候勅旨

謝恩疏

少傅兼太子太傅戶部尚書謹身殿大學士臣謝遷謹奏為謝恩事臣以衰老病懣懇乞歸休荷蒙聖慈憫念特賜允俞而寵禮優渥體恤周備已不勝感激今日蚤陞辭復蒙加賜白金襲衣文綺寶鏐以為歸榮聖主所

欽定四庫全書

聖訓
卷一百一十五

十五

以惠養老臣者無所不用其至誠天高地厚之恩也臣稽首頓首拜受訖顧臣桑榆景迫已無圖報之日即今遠離闕廷徒切戀慕惟迴瞻北極祝聖壽于萬年尤願慶協前星綿本支于億世此臣區區犬馬之忱沒齒不能少忘也謹具本稱謝以聞

歸休謝恩疏

致仕少傅兼太子太傅戶部尚書謹身殿大學士臣謝遷謹奏為謝恩事臣以年邁力疲不能仰承任使懇乞

退休荷蒙聖慈憫念曲賜允俞厚加恩典且命臣男中書舍人正護送還鄉臣以垂盡之齡幸叨恩庇遂得道路無虞生還故里苟延殘喘以終餘年仰惟皇上優老之仁真同天地而臣以朽腐之質莫報涓埃還家以來捫心自愧惟朝暮引領遙瞻天闕虔祝聖壽無疆同天長而地久更願聖學罔間務日就而月將用康九有之生靈益隆萬年之宗社此臣區區犬馬之忱也謹因臣男正回還具本令其齋挹赴京少申謝悃謹具奏聞

欽定四庫全書

卷一 疏

謝恩疏

致仕少傅兼太子太傅戶部尚書謹身殿大學士臣謝遷謹奏為謝恩事嘉靖七年閏十月初六日臣本府官欽遵詔旨恩例備絲帛羊酒來家問勞天寵光被閭里歡騰臣不勝感戴謹稽首頓首登拜領受訖恭惟皇上孝治天下尊親爰舉彛章加崇徽號又推廣孝之道詔數錫類之仁詔示萬方恩覃庶類甚盛典也臣以衰朽之質荷涵育之慈方遂歸休躬逢嘉會濫叨殊錫復出

常倫何幸如之愧不能趨覲闕廷隨班慶賀仰瞻宸極馳情祝頌而已伏願皇上純嘏天錫益隆至養于萬年聖治日新永得歡心于萬國臣不勝懇悃之至為此具本令弟謝遜齋挹赴京謝恩謹具奏聞

謝恩疏

致仕少傅兼太子太傅戶部尚書謹身殿大學士臣謝遷謹奏為謝恩事臣某伏蒙聖恩以明倫大典書成特差鴻臚寺序班楊孫元頒賜臣一部天寵光被閭里歡

欽定四庫全書

卷一 疏

騰臣不勝感戴謹稽首頓首登拜領受訖恭惟皇上誕膺天命纂承大統倫序素定普率歸心誠非前代嗣統之君所可擬倫者也皇上德隆孝治禮重尊親明倫大典之作昭揭萬古之綱常式成一代之典則此誠大聖人之制作非尋常膚淺之見所能仰窺者也臣質本迂愚年復衰耄往歲強趨召命旋乞歸休重荷聖慈憫念俯賜允俞雖當濫叨總裁之命未能少効微勞及至書成進御之時不獲追隨班列上辜恩遇內省慚惶念茲

寵錫自天臣實措躬無地禮當詣闕稱謝而又衰病不前謹具本令男謝豆齋抱赴京謝恩臣遙瞻闕廷無任戀慕之至謹具奏聞

欽定四庫全書

歸田稿
卷一

六

歸田稿卷一

欽定四庫全書

歸田稿卷二

明謝遷撰

序類

山莊唱和小序

是歲夏雪湖三過余杏莊夏初迄仲頗有旱暵之虞既而連得雨農事孔嘉且雨中倍涼爽吾兩人相與盤桓甚適時復賡一詩為樂韻仍舊而意彌新各得詩二十

欽定四庫全書

歸田稿
卷二

四首而別別後餘興相往復又各得四首時則夏季向秋旱復如初夏故其間不能無憫農之意也自予歸汝曲間中與雪湖以文字相娛唱和不少今夏會尤數詩尤多故特錄為一卷後會有作當更續書之也時甲戌六月晦日木齋識

湖山唱和序

予既謝事歸養疴海陬知舊多疎絕益以零落殆盡間有存者亦相逴逾時經歲不獲一聚首雪湖素莫逆居

甚適且強健無恙日相與往還雪汝兩湖之間山水頗
幽勝盤桓不厭雪湖工于詩酷好吟咏興至時輒有作
予雖拙強而企焉有唱斯和因以為樂不知老之將至
也居無何予橫罹罪累戒吟忍咎于時雪湖亦有母夫
人之憂杳然絕響者幾三載洎予蒙宥省雪湖亦從吉
乃復作積久遂盈卷帙蓋雖消閒遣興而其間懷君愛
國憫世憂時之意亦自有不容已者吾邑尹劉侯應徵
知吾二人之有是也強索觀之不以為蕪陋輒令從事

欽定四庫全書

詩四集
卷二

二

史錄之以去將以供燕覽且請予識其顛末予不能拒
也嗟夫采詩以觀民風固王政之大端國風所陳無間
美惡非徒然也去古既遠有司者從事于簿書期會之
間日不暇給能者亦不過取辦承應苟免督責而已矣
其知觀風審音不以為不急之務而蔑棄焉者幾何人
哉不圖今日乃于吾劉侯得之良可嘉也吾輩詩雖無
足采然閭閻之疾苦稼穡之艱難施措之缺失苟因其
端而推見其至以究心于其間則亦豈非善政之一助

也哉夫然則侯之尚文好古誠不為虛飾而吾輩之吟風
弄月亦不為無用矣詩凡若干首為二卷聯句若干首
并附錄焉

會老嘉話序

宮保大司寇兼都憲兩峯洪公其先上虞人也今年秋
自杭城歸展先塋既竣事乃訪予海濱予初與公同進
士第意氣孚合相視如弟兄宦路周旋餘三十載迄予
謝事歸道經淮揚值公以巡撫之節蒞總漕運留戀不

欽定四庫全書

詩四集
卷二

三

忍舍慨然以女許配吾子亘遂締姻盟後五年公總師
川陝荆洛旋休致歸杭公女不幸殤折然時節問遺不
廢往還公二子靜夫鉅夫亦視吾諸子如昆弟通家眷
愛之情有加杭城去吾邑僅三百里乃有錢塘曹娥餘
姚三江之隔舟車跋涉良艱欲與公一晤言不可得停
雲之歎恒切于懷聞公來喜不自勝亟遣吾子正玉往
候于上虞途次且邀憲副雪湖馮公過予山在出高橋
同迂之雪湖吾姻家老契與公同鄉薦同官秋曹素莫

逆者也。已而同年友太守滑公宗源亦來會。時則鄉彥孫生維獻介公行而吾弟迪及正正皆侍焉。杭州衛總麾白侯允章頗好事公。推愛之適有事臨山。偕揮使李侯克明俱來謁。李亦吾姻家。公德輝所及。人固快覩之也。盤桓累日。賓主盡歡。最後同過臨山。訪雪湖。復盤桓追送至上塘。而別。予與公話舊之餘。時賦一詩。道意公和之。衆皆屬和。自始至暨。別凡得詩若干首。鄉邦縉紳亦有聞而遙和者。正總緝成卷。曰將以為後日嘉話之。

欽定四庫全書

歸田稿
卷二

四

微也。於戲太丘朗陵之會。漢史傳之。至于今人羨之。不哀。豈非以其名德之盛有足起人敬慕者乎。余陋劣不敢妄希古人。若公望重當時。視古無忝。況公之是行。水源木本之思。姻親交友之誼。實兼得之。又有出于古人之外者。安知後之視今。不猶今之視昔也耶。

贈都憲何君巡撫河南序

聖天子嗣承大統。肇更化理。剗剔蠹弊。登崇俊良。于是吾浙左方伯何君道亨遂有巡撫河南都御史之擢。予

聞之喜。因仰而嘆曰。聖智天授。真知更化之要哉。夫廉耻者。士大夫之大。閭風俗者。國家之元氣也。往自怙勢竊柄之奸。作大啓僥倖之門。而士習為之一變。貪汙奔競。波蕩風靡。剋剝之政。日加于下。而生靈困憊。有不忍言者矣。今欲一洗而新之。不在表率之地。激揚之任乎。道亨初為御史。即著聲臺端。間以直言為讒邪所中。傷紛紛之際。澁僚黨籍已而大。惡就戮。善類稍甦。乃起為郡守。薦歷憲副。至長吾浙。憲陟方伯。盤桓居貞于茲有

欽定四庫全書

歸田稿
卷二

五

年。清白堅持。終始如一。吏畏而民懷之。不次之擢。縉紳屬望久矣。茲當善治之初。首膺簡拔。則夫所謂激揚表率于一方者。真可謂得人矣。且道亨嘗守河南。儉德雅操。素孚于人。今其往也。風聲所至。蓋將不令而行。郡守庶寮有不惕然革心者乎。閭閻小民有不蒙被其澤者乎。中州大藩。切近京輔。異日政成化洽。入長內臺。以當股肱耳目之寄。以昭四方風動之休。以成一代明良之盛。又將不在吾道亨乎。道亨行予以知舊之愛。既為作